



Comisiynydd Heddlu a Throseddu
Dyfed-Powys
Police and Crime Commissioner

Comisiynydd Heddlu a Throseddu Dyfed-Powys

Panel Craffu Ymarfer Hapsamplu

Stelcio ac Aflonyddu

Canfyddiadau ac Adborth Aelodau'r Panel ar Achosion Oedolion

Medi 2025

Cynnwys

Cynnwys

1.0	Trosolwg	2
2.0	Cefndir, diben a methodoleg.....	2
3.0	Cymeradwyaeth gan gadeirydd y panel	3
4.0	Camau a gymerwyd yn dilyn cyfarfod blaenorol y panel	3
5.0	Meysydd i'w gwella.....	3
6.0	Ystyriaeth o achosion oedolion	3
7.0	Asesiadau'r panel hyd yma	6
8.0	Ethnigrwydd a rhywedd	8
9.0	Ffocws y panel yn y dyfodol	9
10.0	Camau gweithredu	9

1.0 Trosolwg

Ar 29 Medi 2025, aeth aelodau o'r Panel Craffu ar Ddatrysiadau y Tu Allan i'r Llys gyfarfod i adolygu detholiad o saith achos oedolion ac wyth achos ieuenctid yn ymwneud â throseddau stelcio ac aflonyddu a oedd wedi cael eu trin drwy ddatrysiad y tu allan i'r llys. Bydd yr adroddiad hwn yn canolbwyntio ar ganfyddiadau'r panel mewn perthynas ag achosion oedolion.

Cynhaliwyd y cyfarfod hwn yn rhithwir trwy gyfrwng Microsoft Teams.

2.0 Cefndir, diben a methodoleg

Diben y Panel Craffu ar Ddatrysiadau y Tu Allan i'r Llys yw asesu, craffu a rheoli yn annibynnol ansawdd y defnydd o ddatrysiadau y tu allan i'r llys gan Heddlu Dyfed-Powys. Gall y panel wneud argymhellion, rhoi adborth ar achosion unigol i swyddogion, cyfathrebu canfyddiadau, hyrwyddo arferion gorau, a nodi anghenion datblygu polisi neu anghenion hyfforddi posibl i'w hystyried gan yr heddlu neu asiantaethau eraill sy'n gysylltiedig. Ni all y panel newid canlyniad gwreiddiol yr achos.

Mae aelodaeth y panel yn cynnwys partneriaid o fewn y system cyfiawnder troseddol sy'n cynnwys, ond heb fod yn gyfyngedig i, aelodau o Heddlu Dyfed-Powys, Swyddfa'r Comisiynydd Heddlu a Throseddu, y Gwasanaeth Prawf, Gwasanaeth Erllyn y Goron, y Tîm Cyfiawnder Ieuenctid a mainc ynadon.

Gyda'i gilydd, mae aelodau'r panel yn cytuno ar faes i ganolbwyntio arno ym mhob cyfarfod. Maent yn cael ffeiliau achos perthnasol bythefnos cyn pob cyfarfod sydd wedi'u dewis ar hap gan gadeirydd y panel. Yna, mae'r panel yn cyfarfod i drafod pob achos a, phan fo'n bosibl, yn dod i gasgliad ynghylch priodoldeb y datrysiad. Wrth benderfynu ar hyn, mae'r panel yn ystyried y meini prawf canlynol:

- barn ac adborth y dioddefwr a'r troseddwr
- cydymffurfedd â pholisi'r heddlu
- y rhesymeg dros y penderfyniad a'r canlyniad
- yr effaith bosibl ar y gymuned
- yr amgylchiadau a difrifoldeb y drosedd
- opsiynau eraill posibl a allai fod wedi bod ar gael

Mae'r panel yn trafod pob achos ac yn eu categoreiddio fel un o'r canlynol:

- defnydd priodol sy'n gyson â pholisi
- defnydd priodol ond bod gan aelodau'r panel amheuan
- defnydd amhriodol neu anghyson â pholisi
- y panel yn methu â dod i gasgliad

3.0 Cymeradwyaeth gan gadeirydd y panel

Gallaf i Carys Morgans (enw mewn print) gadarnhau fy mod wedi darllen yr adroddiad, a'i fod yn cynrychioli'n llawn y safbwyntiau a fynegwyd gan y panel yn ystod ein hymarfer hapsamplu, dyddiedig 29 Medi 2025.



Llofnodwyd:

Dyddiad: 16/12/2025

4.0 Camau a gymerwyd yn dilyn cyfarfod blaenorol y panel

O ganlyniad i waith y Panel Craffu ar Ddatrysiadau y Tu Allan i'r Llys, mae'r camau gweithredu canlynol wedi'u cwblhau ers y cyfarfod diwethaf:

- Rhoddwyd adborth i swyddogion ar achosion pan benderfynodd y panel fod y datrysiad y tu allan i'r llys wedi'i gyhoeddi'n amhriodol.

5.0 Meysydd i'w gwella

Nodwyd y meysydd canlynol i'w gwella yn ystod yr adolygiad o achosion oedolion:

- Amseroldeb cwblhau achosion.
- Dylid ystyried hanes troseddu blaenorol y troseddwr honedig. O fewn achos rhif 4, penderfynodd y panel fod gan yr troseddwr honedig hanes blaenorol helaeth o droseddau o natur debyg, felly roedd y datrysiad y tu allan i'r llys yn amhriodol.

6.0 Ystyriaeth o achosion oedolion

Roedd pob un o'r saith achos oedolion wedi cael eu trin drwy ddatrysiad cymunedol i oedolion.

Asesiad yr aelodau	Nifer yr achosion
Priodol	3

Priodol ond gydag amheuon	3
Amhriodol	1

Manylir ar sylwadau aelodau'r panel isod.

Achos 1

Nodwyd gan y panel bod yr achos yn ymwneud ag anghydfod cymdogaeth lefel isel gyda'r ddau barti yn gwneud honiadau. Dilynodd trafodaeth ynghylch yr angen posibl am weithgarwch ymyrryd gan y nodwyd y gallai'r troseddwr honedig ddioddef o gamddefnyddio sylweddau. Er hynny, daeth y panel i'r casgliad bod y datrysiad y tu allan i'r llys yn briodol o fewn amgylchiadau'r achos hwn.

Asesiad y panel: Priodol

Achos 2

Penderfynodd y panel fod defnyddio'r datrysiad y tu allan i'r llys o dan yr amgylchiadau yn briodol gan nad oedd gan y troseddwr honedig unrhyw droseddau blaenorol ac roedd wedi ymddiheuro. Er hynny, nododd y panel fod y troseddwr honedig wedi gwadu'r drosedd yn y lle cyntaf a bod yr achos wedi cymryd chwe mis i'w gwblhau. Felly, ystyriwyd, er bod y datrysiad y tu allan i'r llys wedi'i gyhoeddi'n briodol, y gellid bod wedi gwneud gwelliannau o ran amseroldeb.

Asesiad y panel: Priodol ond gydag amheuon

Achos 3

Nododd y panel fod yr achos hwn yn canolbwyntio'n bennaf ar yr elfen ymosodiad cyffredin yn hytrach na'r aflonyddu. Penderfynwyd bod y datrysiad y tu allan i'r llys a gyhoeddwyd yn briodol o dan yr amgylchiadau, ond gofynnodd y panel a oedd y drosedd wedi'i chofnodi'n anghywir ac felly roedd ganddynt amheuon.

Asesiad y panel: Priodol ond gydag amheuon

Achos 4

Nodwyd bod gan y troseddwr honedig hanes helaeth o droseddau o natur debyg. Nododd y panel hefyd fod y troseddwr honedig wedi cael rhybuddiad amodol am ymosodiad yn 2024 ac felly penderfynodd fod y datrysiad y tu allan i'r llys yn amhriodol.

Asesiad y panel: Amhriodol

Cam gweithredu 1: Darparir canfyddiadau'r panel ar gyfer achos 4 i'r swyddog(ion).

Achos 5

Nododd y panel fod y parti a anafwyd yn cefnogi'r datrysiad y tu allan i'r llys, a rhoddwyd ymddiheuriad. Penderfynwyd, gan fod y drosedd yn lefel isel a'r digwyddiad cyntaf a'r unig ddigwyddiad, mai'r datrysiad y tu allan i'r llys oedd y canlyniad priodol.

Asesiad y panel: Priodol

Achos 6

Penderfynwyd bod y datrysiad y tu allan i'r llys wedi'i drin yn briodol gan fod y troseddwr honedig wedi cyffesu'n llawn i'r drosedd ac wedi ymddiheuro i'r parti a anafwyd. Canmolodd y panel y camau cyflym a gymerwyd gan swyddogion a'r cofnod manwl a ddarparwyd.

Asesiad y panel: Priodol

Cam gweithredu 2: Adborth i'w roi i swyddog(ion) mewn perthynas ag achos 6 gan fod y panel wedi penderfynu mai dyma'r arfer gorau.


Achos 7

Nododd y panel fod y parti a anafwyd yn cefnogi'r datrysiad y tu allan i'r llys, ond codwyd amheuan oherwydd troseddau ac euogfarnau blaenorol y troseddwr honedig. Felly penderfynwyd bod y datrysiad y tu allan i'r llys wedi'i gyhoeddi'n briodol ond roedd amheuan ynghylch hanes y troseddwr honedig.

Asesiad y panel: Priodol ond gydag amheuan


7.0 Aseidiadau'r panel hyd yma

Mae'r siart isod yn dangos aseiad y panel o achosion oedolion o stelcio ac aflonyddu a ystyriwyd yn y cyfarfod diweddaraf:




Mae'r panel wedi ystyried amrywiaeth o ddatrysiadau. Ar gyfer mis Medi 2024, roedd 67% o'r datrysiadau a ystyriwyd yn rhybuddiadau amodol a 33% yn ddatrysiadau cymunedol i oedolion. Ym mis Medi 2025, deliwyd â 100% o'r achosion a ystyriwyd drwy ddatrysiad cymunedol i oedolyn.

Gellir gweld y newid yng nghasgliadau'r panel rhwng mis Medi 2024 a mis Medi 2025 yn y graff isod:




Mae'r graff isod yn dangos y dadansoddiad yn ôl y math o drosedd fel canran o achosion a ystyriwyd rhwng mis Ebrill 2023 a mis Medi 2025.




Mae'r graff canlynol yn dangos nifer gwirioneddol yr achosion a aseswyd o fewn pob math o drosedd, a barn y panel a ddaeth yn sgil hynny yn eu cyfarfodydd rhwng mis Ebrill 2023 a mis Medi 2025.

8.0 Ethnigrwydd a rhywedd

Mae'r siart canlynol yn dangos dadansoddiad o'r achosion a adolygwyd yn y cyfarfod hwn o ran rhywedd:





Mae'r tabl canlynol yn dangos dadansoddiad o'r achosion a adolygwyd yn y cyfarfod hwn o ran ethnigrwydd.

Ethnigrwydd a nodwyd	Hunanasesiad yr unigolyn a ddrwgdybir	Asesiad y swyddog
Gwyn Prydeinig	6	0
Gwyn – Gogledd Ewrop	0	6
Anhysbys	1	1

Mewn un o'r achosion a adolygwyd, ni chofnodwyd ethnigrwydd. Ni nodwyd unrhyw faterion cydraddoldeb o ran hil na rhywedd fel rhan o adolygiad y panel.

9.0 Ffocws y panel yn y dyfodol

Yn dilyn trafodaeth, penderfynodd y panel y byddent yn hoffi canolbwyntio ar achosion cyffuriau yn y cyfarfod nesaf.

10.0 Camau gweithredu

SWYDDOGOL

Rhif y cam gweithredu	Crynodeb	I'w symud ymlaen gan
Datrysiad y tu allan i'r llys - 159	Darparu canfyddiadau'r panel ar gyfer achos 4 i'r swyddog(ion).	Swyddfa'r Comisiynydd Heddlu a Throseddu
Datrysiad y tu allan i'r llys - 160	Rhoi adborth i'r swyddog(ion) mewn perthynas ag achos 6 gan fod y panel wedi penderfynu mai dyma'r arfer gorau.	Swyddfa'r Comisiynydd Heddlu a Throseddu